

法華文句

明
時



第一冊

寶
平
知
覺

目次

刻法華玄義文句序

卷第一上

一四

卷第一下

三二

卷第二上

五六

卷第二下

八〇

卷第三上

一〇六

卷第三下

一三一

卷第四上

一六一

卷第四下

一八五

卷第五上

二一四

卷第五下

二三七

卷第六上

二六三

卷第六下	二八九
卷第七上	三一九
卷第七下	三四六
卷第八上	三七四
卷第八下	三九八
卷第九上	四二五
卷第九下	四四八
卷第十上	四七七
卷第十下	四九九

刻法華玄義文句序

夫法華經詮實相實相者果屬於權實麤妙偏圓小大之教迹乎但一一如來出世必導衆機證實相故雖有世界說一味教大約多世界必說五味之教也如華嚴一經詮法界性圓融妙理初發心時便成正覺為對圓機說圓教處處說行布次第為對權機說別教菩薩大人而得領荷二乘在座全如聾瘡大隔小也收機未盡對權說別圓猶兼別此天台師判為別圓教之旨也如阿含轉生滅四諦法輪聲聞觀於四諦緣覺觀十二因緣菩薩修事六度三人同也同

析實陰同歸但空三人異也二乘自度菩薩乃弘誓
與拔直修至成果頭佛耳四含三乘之相此天台師
判為三藏教之旨也如方等諸部大集維摩等經彈
偏斥小歎大褒圓對半明滿令諸聲聞耻小慕大而
通前之藏通後之別通後之圓此天台師判為通教
之旨也如五時般若帶半明滿融通淘汰共般若通
三人不共般若乃是界外獨菩薩法空生身子受敕
轉教即是領知家業別前之藏別前之通別後之圓
此天台師判為別教之旨也如法華一部開前四味
兼但對帶之麤顯一佛乘純圓之妙故文云惟有一

乘法無二亦無三實相妙理直顯示之故文云開方便門示真實相示真實相者即所謂以佛之知見使衆生開示悟入也菩薩疑除聲聞受記作佛如來出世本懷暢矣此天台師判為純圓教之旨也夫惟諸如來也朝四暮三撫悅衆狙苦塗水洗養適嬰兒乃於純圓教以前立三時漸教若論窮無上願顯無上道則終屬乎此法華無上經也故二萬燈明併迦葉佛不說涅槃但說此經為最後教耳世之曰九十五種曰四韋陀典曰老莊曰五經所載之道者即世之所謂正道亦不過是大權聖人為世權立耳人若有

悟入平等大慧者果見有外於法華者乎吾天台大
 師於靈山會上親聞法華至陳隋世應化此土自獲
 陀羅尼之後即縱樂說辨以釋名辨體明宗論用判
 教五大意大意之下又開諸意諸意中如權實本迹
 觀心六即四悉十界十如十妙等無量名義婉轉妙
 說而說歸之於經題所詮實相妙法故為書曰玄義
 也其文句者文謂始終一部文字句謂逐句句逗大
 旨又以因緣教門觀心本迹等諸名義妙釋一部全
 文也所謂釋歸之於實相妙理令人勤修證也凡遇
 覽者當無勇進耶然所謂華嚴為別圓異於清涼大

師者自非二大師與深位聖人孰能決人之疑耶蓋
圓極教輪停其轉實積世矣逮

明時共吾南宗之成輟鉞絕絃又何足論雖邇年妙
峯覺師事研精於此未甚轉輪即屬鶴樹矣惜之今
邑之吳之矩十宗遠海虞之嚴道時諸正信士欲馮
之度世俱自施勸人俞羨長則全部讀校每字藏否
以方冊之體刻成斯至典章安所謂甘露門之在茲
人適有謂予曰曹溪之韻久已無鍾子期乎予復之
曰雖爾亦薄自有賞音者 旨

萬曆己丑歲九月朔日荆溪善權寺釋智海叙

糸

三

妙法蓮華經文句卷第一 上

天台智者大師說

序品第一

佛出世難佛說是難傳譯此難自開悟難聞師講難一徧記難余二十七於金陵聽

受六十九於丹丘添削留贈後賢共期佛慧

委釋經題已如上說序者訓庠序謂階位賓主問答
悉庠序也經家從義謂次由述也如是等五事冠於
經首次序也放光六瑞起發之端由序也問荅釋疑
正說弄引叙述也具此三義故稱為序品者中阿含
云跋渠此翻為品品者義類同者聚在一段故名品
也或佛自唱品如梵網或結集所置如大論或譯人

添足如羅什今藥王本事是佛唱妙音觀音等是經家譯人未聞諸品之始故言第一佛赴緣作散花貫花兩說結集者按說傳之論者依經申之皆不節目古講師但敷弘義理不分章段若純用此意後生殆不識起盡又佛說貫散集者隨義立品增一云契經一分律一分阿毗曇一分契經更開四謂增一長中雜增一阿含明人天因果長阿含破邪見中阿含明深義雜阿含明禪定律開五部及八十誦阿毗曇開六足八犍度等阿含謂施戒慧六度皆足也謂根性道定等八種聚也天親作論以七功德分序品五示

現分方便品其餘品各有處分昔河西憑江東瑤取
此意節目經文末代尤煩光宅轉細重零翳於太清
三光為之戢耀問津者所不貴曇鸞云細科煙颺雜
礪塵飛蓋若過若不及也廬山龍師分文為序正流
通二十七品統唯兩種從序至法師言方便言真實
理一說三故寶塔下身方便身真實實遠唱近故又
從方便至安樂行是因門從踊出下是果門齊中興
印小山瑤從龍受經分文同玄暢從序至多寶為因
分從勸持至神力為果分從囑累盡經為護持分又
有師云從序至學無學人記是法華體從法師至囑

累明受持功德從藥王盡經美諸菩薩本願有師作
四段初品為序段從方便至安樂行開三顯一段從
踊出訖分別功德開近顯遠段後去餘勢流通段光
宅雲從印受經初三段次各開二謂通序別序正謂
因門果門流通謂化他自行二序各五二正各四二
流通各三合二十四段云夫分節經文悉是人情
蘭菊各擅其美後生不應是非諍競無三益喪一道
三益者世界等三悉檀也一道者第一義悉檀也天
台智者分文為三初品為序方便品訖分別功德十
九行偈凡十五品半名正從偈後盡經凡十一品半

名流通又一時分為二從序至安樂行十四品約迹
開權顯實從踊出訖經十四品約本開權顯實本迹
各序正流通初品為序方便訖授學無學人記品為
正法師訖安樂行為流通踊出訖彌勒已問斯事佛
今荅之半品名序從佛告阿逸多下訖分別功德品
偈名為正此後盡經為流通今記從前三段消文也
問一經云何二序荅華嚴處處集衆阿含篇篇如是
大品前後付囑皆不乖一部兩序何妨今不安五義
者本門非次首故也迹門但單流通者說法未竟也
有無之意云爾今帖文為四一系列數二所以三引證

四示相列數者一因緣二約教三本迹四觀心始從如是終于而退皆以四意消文而今略書或三二一貴在得意不煩筆墨二所以者問若略則一若廣匪四所以云何荅廣則令智退略則意不周我今處中說令義易明了因緣亦名感應衆生無機雖近不見慈善根力遠而自通感應道交故用因緣釋也夫衆生求脫此機衆矣聖人起應應亦衆矣此義更廣處中在何然大經云慈善根力有無量門略則神通若十方機感曠若虛空今論娑婆國土音聲佛事則甘露門開依教釋者中說明矣若應機設教教有權實

淺深不同須置指存月亡迹尋本故肇師云非本無以垂迹非迹無以顯本故用本迹釋也若尋迹迹廣徒自疲勞若尋本本高高不可極日夜數他寶自無半錢分但觀已心之高廣扣無窮之聖應機成致感逮得已利故用觀心釋也三引證方便品云十方諸佛為一大事因緣故出現於世若人天小乘非一非大又非佛事不成機感實相名一廣博名大佛指此為事出現於世是名一大事因緣也又云以種種法門宣示於佛道當知種種聲教若微若著若權若實皆為佛道而作筌罽大經云麤言及輒語皆歸第一

義此之謂也壽量品云今天人阿修羅皆謂我少出家出釋氏宮去伽耶城不遠得三菩提然我實成佛已來無量無邊阿僧祇劫以斯方便導利衆生方便品又云我本立誓願普令一切衆亦同得此道如我等無異又五百受記品云內祕菩薩行外現是聲聞實自淨佛土示衆有三毒又現邪見相我弟子如是方便度衆生此則師弟皆明本迹云譬喻品云若人信汝所說即為見我亦見於汝及比丘僧并諸菩薩當知隨有所聞諦心觀察於信心中得見三寶聞說是法寶見我是佛寶見汝等是僧寶云四示相